



REPUBLIKA E SHQIPËRISË  
KËSHILLI I LARTË GJYQËSOR

Nr. \_\_\_\_\_, Prot.

Tiranë, më \_\_\_\_\_.\_\_\_\_\_.2024

Lënda: Kthim përgjigje

Në përgjigje të kërkesës tuaj për informacion, regjistruar me numër rendor 17 në regjistrin përkatës të kërkesave dhe përgjigjeve si dhe me aktin nr. 2175 prot., datë 16.04.2024, referuar ligjit nr. 119/2014, “Për të drejtën e informimit”, i ndryshuar, ju bëjmë me dije si më poshtë:

Këshilli i Lartë Gjyqësor, me shkresën nr. 4089/5 prot., datë 16.03.2021, ju ka informuar mbi caktimin e masës disiplinore ndaj znj. {...}, me vendimin nr. 8, datë 23.08.1996 të ish-Këshillit të Lartë të Drejtësisë, duke ju bashkëlidhur dokumentacionin që disponohet prej tij. Risjellim në vëmendjen tuaj se, sa i përket të dhënave arkivore të ish-KLD, Këshilli i Lartë Gjyqësor disponon vetëm një kopje të njëzuar të Regjistrit Themeltar të Ministrisë së Drejtësisë, e cila ju është vendosur në dispozicion me shkresën e mësipërme.

Lidhur me periudhën për të cilën kërkoni informacion dhe dokumentacion, ju informojmë se, organizimi dhe funksionimi i ish-Këshillit të Lartë të Drejtësisë ishte i ndryshëm nga KLD-ja e krijuar me Kushtetutën e vitit 1998 dhe Ligjin nr. 8811, datë 17.05.2001. Organizimi i mbledhjeve plenare në ato vite, zhvillohej në institucionin e Presidentit të Republikës së Shqipërisë apo dhe në Ministrinë e Drejtësisë, institucione këto të cilat përgatisnin gjithë dokumentacionin që shqyrtohej në to, për rrjedhojë dhe vendimet përkatëse.

Për sa më sipër, ju bëjmë me dije se, nga kërkimi në fondin arkivor të Këshillit të Lartë Gjyqësor rezulton se nuk disponohet vendimi nr. 8, datë 23.08.1996 i ish-Këshillit të Lartë të Drejtësisë si dhe as ndonjë kërkesë e znj. {...} për rishikim ose shfuqizim të masës disiplinore të caktuar ndaj saj me vendimin e mësipërm.

Duke ju falënderuar për mirëkuptimin!